

Վահրամ Օհանջանյան



ՈՐԴԱՆՑ ՈՐԴՅԱՆ

Ваграм Оганджаниян

Որդանց որդյաց

«Автор»

2025

Оганджаниян В. А.

Որդանց որդյաց / В. А. Оганджаниян — «Автор», 2025

«Որդանց որդյաց»՝ սա պարզապես որդերի մասին պատմվածք չէ: Սա փայլուն հեզնանք է մարդու քաղաքակրթության մասին՝ իշխանության կառուցվածքից մինչև հասարակական հիերարխիա, կոռուպցիա, ազատություն ու փառասիրություն: Վարպետորեն գրված սատիրիկ պատմվածքը՝ այնգորիկ կերպարներով, ցույց է տալիս, թե ինչպես է ցանկացած «պարտեզ» դառնում քայքայման շեմին, երբ դրա ղեկավարները ապրում են լափելու ու տիրելու գաղափարախոսությամբ: Պատմությունը ընթերցողին ծիծաղ է պատճառում, բայց միևնույն ժամանակ մտորելու տեղիք է տալիս: Ընթերցողը կհանդիպի խորհրդանշական կերպարների՝ Առաջնորդ, Հաջորդ, Հետնորդ, Ճրճոն, Որդան պապին և իհարկե՝ քաջագուն որդուկի, որոնք ամբողջացնում են հասարակության բոլոր շերտերի կատակերգական ու միևնույն ժամանակ՝ տխուր պատկերը: Սա գիրք է՝ բոլոր նրանց համար, ովքեր սիրում են խոր, սուր, հումորային, բայց միաժամանակ՝ խորը փիլիսոփայական ու սոցիալ-քաղաքական գրականություն: Խորհուրդ է տրվում կարդալ՝ հատկապես մտածող ընթերցողներին:

© Оганджаниян В. А., 2025

© Автор, 2025

Ваграм Оганджян
Որդին և որդի
«ՈՐԴԱՆՑ ՈՐԴՅԱՆ»

Մաս I

1

«Եվ այսպես, առաջին օրը ստեղծվեց հողն ու երկինքը և հողը բաժանվեց երկնքից: Երկրորդ օրը ստեղծվեց խոտն ու ծառը և դա լավ էր: Երրորդ օրը ստեղծվեցին տերևները ծառի վրա: Չորրորդ օրը ստեղծվեցին ծաղիկները և նրանք փայլում ու բուրում էին: Հինգերորդ օրը ստեղծվեցին խնձորը, տանձը, սալորը ու նման շատ համեղ մրգեր: Եվ ահա, վեցերորդ օրը ստեղծվեցին որդերը, որպեսզի ուտեն այդ մրգերը ու տիրեն պարտեզին: Իսկ յոթերորդ օրը, չգիտեմ ինչու, ստեղծվեցին թռչունները, որ հարամեն մեր երջանկությունը»,– կարդաց հայր որդի ու շրխկոցով փակեց գիրքը:

Պատիկ որդի ցնցվեց շրխկոցից: Մի պահ լռեց ու հարցրեց.

– Հայրի՛կ, իսկ խնձորները շա՞տ են համեղ:

– Օ՛, իհարկե գավակս նրանք շատ համեղ ու քաղցր են:

– Եվ, անգամ մեծ են, որ կարելի է ուտե՛լ, ուտե՛լ, ուտե՛լ...

– Այո, այո, այնգամ մեծ են, որ շատ երկար ժամանակ կարելի է ուտել, անգամ կարելի է ապրել նրա մեջ:

– Իսկ տանձի՞:

– Տանձի մեջ նույնպես:

– Նա էլ համեղ է:

– Իհարկե, տանձը ավելի համեղ է, քաղցր ու հյութալի: Տանձի մեջ ապրելը դրախտ է, այսինքն շատ հաճելի ու աննման տեղ:

– Հայրիկ, իսկ ինչու՞ մենք չենք ապրում տանձի, խնձորի կամ սալորի մեջ, այլ ապրում ենք արթրի մեջ:



– Հըմ... Դեհ, գիտես որդիս, կա այսպիսի մի հասկացողություն, հայրենիք է կոչվում...
Փոքրիկ որդը զարմացած նայեց հորը: Տարեց որդը փոթկացրեց ծիծաղից ու ասաց.
– Դա կատակ է իհարկե ընդամենը, մի հին, շա՛տ հին անեկոյտ հիշեցի: Մեր հայրենիքը
իրականում պարտեզն է, ծառերն ու մրգերը, մրգերի հյութը:

- Բայց ինչու՞ մենք ապրում ենք գոմաղբի մեջ, – նորից կրկնեց իր հարցը որդին:
- Որովհետև, որդի՛ս, պարտեզին ու ծառին հասնելու ամենից կարճ ճանապարհը, որդերի համար, դա գոմաղբն է: Մի օր կգա պարտեզապանը ու գոմաղբի հետ միասին մեզ կտանի պարտեզ, ծառերի ու մրգերի մոտ: Եվ դա կլինի մեր կյանքի ամենից երջանիկ օրը:
- Ի՞նչ երջանկություն, երբ ընկերներ չունեն, – թախծոտ ասաց փոքրիկ որդը, – երբ չկան ինձ նման փոքրիկ որդեր՝ ում հետ կարելի է խաղալ ու զվարճանալ:
- Պարտեզում շատ, շատ որդեր կլինեն, մի հուզվիր, – հանգստացրեց հայրը:
- Ու բոլորը ստեղծվել են վեցերորդ օրը:
- Ոչ իհարկե, – խորամանկորեն ժպտաց հայրը, – այդ մասին ես գրված է «Որդանց որդյաց»-ում, ահա լսի՛ր:
- Հայր որդը նորից բացեց գիրքը ու կարդաց.
- Նախ ստեղծվեց Առաջնորդը...
- Առաջնորդը՞, – ընդհատեց փոքրիկը:
- Այո, այո՛, Առաջնորդը, այդպես էլ գրված է գրքում: Այսինքն՝ առաջին որդը, պա՛րզ է:
- Պարզ է, – գլխով արեց որդին:
- Առաջնորդը ծնեց Հաջորդին, – շարունակեց, – Հաջորդը ծնեց Հետնորդին, իսկ Հետնորդը ծնեց բոլոր ժառանգորդներին:
- Հայր որդը փակեց գիրքը ու նկատեց.
- Իրականում, գիտե՞ս, Հետնորդը իր անունը ստացել էր մի հետաքրքիր դրվագի պատճառով: Հիմա կպատմեմ: Նա թռչունների առաջին ուղևորն էր: Երբ պարտեզապանը սկսեց քիմիկատներով մաքրել պարտեզը, նա շժմած ընկած էր մի տերևի վրա: Պատահական մի թռչնակ կտցահարեց, բայց քիմիկատների՞ց էր, թե իրենից էր գարշահոտ փչում, թռչունը չկարողացավ ծամել ու միանգամից կուլ տվեց: Հետո, երբ թռչում էր տանձենիների այգու վերևով, նրան բաց թողեց իր հետևի դռնակից՝ ներքև: Այդ օրվանից ու այդ պատճառով էլ, ասում են, որ նրան Հետնորդ են անվանում: Բայց այդ մասին տանձենիների այգում ոչ ոք չի խոսում ու դու էլ երբեք այդ մասին չխոսես: Հա՛, ու քանի որ ընկել էր նա ծառի ամենից բարձր տերևին, այդ առիթով էլ զբաղեցրեց Հաջորդի աթոռը, այսինքն ամենից մեծ ու համեղ տանձը ու նստեց այդ տանձի վրա: Հետո ի շնորհիվ իր ճարակության ստեղծեց «Հետնորդի համաորդական կազմակերպությունը», նրա տարբեր մասնաճյուղներն ու տարածեց բոլոր ծառերի ճյուղերով՝ տիրելով պարտեզին:
- Իսկ մնացած որդերը՞, – հարցրեց փոքրիկ որդը:
- Իսկ մնացած որդերը՞... Իսկ մնացած որդերը, հիմա նրա ժառանգորդներն են, նրա սանիկներն ու մեր վեհ գաղափարի շարունակողները:
- Ինչ գաղափարի՞:
- Ա՛յ քե՛զ բա՛ն, – զարմացավ հայրը, – միթե՞ քեզ չեն ասել ամենից կարևորը:
- Չէ, չես ասել:
- Ուրեմն հիշի՛ր: Մեր ամենից մեծ խնդիրը պարտեզին վնաս տալն է ու նրան տիրելը: Տիրելն ու վնաս տալն է, հասկացար՞:
- Փոքրիկ որդը գլխով արեց:
- Հասկացա՞ր, թե ո՞չ:
- Այո՛, այո՛, հասկացա՛:
- Ուրեմն կրկնի՛ր նորից:
- Մեր ամենից մեծ խնդիրը պարտեզին վնաս տալն է ու նրան տիրելը: Տիրելն ու վնաս տալն է:
- Այո, ճիշտ այդպես: Հիշի՛ր նաև, մենք ընտրյալներն ենք բոլոր որդերից, քանի որ պատկանում ենք վնասատուների բարձրագույն ընտանիքին: Եթե լավ հիշես խրատներս, գուցե մի օր դու էլ դառնաս Հետնորդի աթոռի անվտանգության ծառան, դա ամենից բարձր կոչումն է, որի մասին երագում է ցանկացած որդ:
- Իսկ ովքե՞ր են Հետնորդի աթոռի անվտանգության ծառաները:

– Օ՛, որդիս դրանք անձեռնամխելի ու արտոնյալ որդերն են, որոց բախտ է վիճակվել պաշտպանել Հետնորդի աթոռը, նրա տանձը:

– Ումի՞ց:

– Ո՞նց թե ումից... Թռչուններից ու մեզ նման որդերից, ովքեր ևս երագում են տիրել նրա աթոռին, նրա համեղ տանձին:

– Դու էլ ես երագու՞մ հայրիկ:

– Հիմար է այն որդը, որ չի երագում տիրել աթոռին ու ողջ պարտեզին, որդիս՝: Բայց, կարևորը նաև բախտն է, թե չէ հիմա պառկած չէինք լինի այս գոմաղբի կույտի վրա:

– Այո, տխուր է, – խեղճացած ձայնով ասաց փոքրիկ որդը:

– Ո՛չ մի հուսահատություն, լսու՞մ ես, որդերը հուսահատվելու իրավունք չունեն, դա շատ մեծ շոայություն է մեզ համար:

«Ոչ մի հուսահատություն», – արձագանքվեց մթության մեջ:

Արդեն մութ գիշեր էր և հայր ու որդի որդերը քուն մտան...

2

Գիշերը փոքրիկ որդը մի երագ տեսավ: Սկզբից երագը սարսափելի էր: Նա տեսավ թե ինչպես մի սարսափելի թռչուն կտցահարեց ու կուլ տվեց իրեն իր հոր հետ, հետո թռչեց ու իրենց էլ հետևի դռնակից բաց թողեց ներքև: Նրանք ընկնում էին բարձր, բարձր երկնքից, որը ստեղծվել էր «առաջին օրը» ու ընկան մի ծառի վրա, որը ստեղծվել էր «երկրորդ օրը»: Երրորդ օրը հասան տերևներին, չորրորդ օրը ծաղիկներին, իսկ հինգերորդ օրը իրենց առջև բացվեց մի հիանալի տեսարան: Տերևների ու ծաղիկների մեջ շողում էր մի ոսկեգույն ու մեծ, շա՛տ մեծ խնձոր:



«Ես էլ եմ հինգերորդ օրը ծնվել», – ասաց ոսկեգույն խնձորը ու ժպտաց փոքրիկ որդին:
«Իսկ ես ծնվել եմ վեցերորդ օրը, – պատասխանեց փոքրիկ որդը, – ու վեցերորդ օրն էլ կուտեմ քեզ: Կուտեմ ու կտիրանամ քեզ:
«Իսկ եթերորդ օրը թոչնակը կուտի քեզ», – գայրացավ խնձորը:
«Ես թոչնակներից չեմ վախենում», – ինքնագոհ շարունակեց փոքրիկ որդը, – «նա ինձ համար ընդամենը տրանսպորտի միջոց է»,
– հետո զարմացավ այդ բառերի վրա, նա առաջին անգամ էր նման բառեր արտասանում՝ «տրանսպորտի միջոց» ... Ի՞նչ «տրանսպորտի միջոց», ինքն էլ չհասկացավ թե դա ինչ է:
«Իսկ ես կպատմեմ Հետնորդին և նա կսաստի քեզ», – էլ ավելի բարկացած ասաց խնձորը ու ոսկեգույնից փոխվեց վառ կարմրի:
«Այս այգում երևի բոլորը խաբարեցիկներ են, – մտածեց փոքրիկ որդը, – թե չէ ուտելու իրավունք էլ չկա, իսկույն Հետնորդով եմ վախեցնում»:
Նա արթնացավ ու այդ ամենը շուտափույթ պատմեց հայր որդին:
Հայր որդի դեմքը պայծառացավ.
– Լավ երագ ես տեսել, որդի՛ս, շա՛տ լավ երագ էր: Կարծես թե շուտով բախտը ժպտալու է մեզ:
Եվ իրոք, «պարոն բախտը» մեր որդերին երկար սպասել չտվեց ու շուտով ժպտաց նրանց:

3

Առավոտյան գոմաղբի կույտը օրօրվելով սկսեց վեր բարձրանալ: Այնքան անսովոր էր դա, որ փոքրիկ որդի գլուխը սկսվեց պտտվել ու չէր ջոկում որտեղ էր իր գլուխն ու որտեղ էր պոչը՝ ինչպես հայրիկն է ասում. «որդի գլխի ու հետույքի միջև տարբերություն չկա»: «Երևի դա հենց այդ պահն է», – մտածեց փոքրիկ որդը:

Շատո ինքն ու հայրիկը կույտի հետ ընկան մի մեծ ու խոր փոս, որի վերևի կտր ծայրից երևում էր պայծառ ու կտր երկնքի մի կտոր:

Այգեպանն էր:

Նա աթարի կույտը դույլով տարավ ու թափեց խնձորի ծառի տակ:

Հայրը, այնուհետև որդին, գլուխները հանեցին աթարի կույտից ու իրար նայեցին:

– Որտե՞ղ ենք մենք, հայրիկ, – վախժորած դիմեց փոքրիկ որդուկը:

– Սպասի՛ր, սպասի՛ր որդիս, հիմա քո հայրը ամեն ինչ կպարզի:

Եվ նա սկսեց վեր սողալ կույտի վրայով:

– Ողջո՛ւյն իմ ցեղակիցներ, – լսվեց ներքևից, – դուք մրգատու այգում եք, բարով եք եկե՛լ:

Հայր ու որդի հայացքը ձգեցին ներքև և աթարի կույտի մոտ տեսան մի շատ հաստավուն, վարդագույն ու երկար որդի: Նախկինում որդուկը երբեք նման որդ չէր տեսել:

Լսելով մրգատու այգու մասին, հայր որդը պայծառացավ, ուրախությունից այնպես փքվեց, որ որդուկին թվաց, թե ուր որ է հայրիկը կալաթի:

Եվ նա պայթեց, պայթեց մի այնպիսի հզոր ձայնով, որ քիչ մնաց փոքրիկ որդը խլանար.

– Օ՛ հո՛ հո՛... Օ՛ հո՛ հո՛, մենք այգում ենք, մրգատու՛ այգում:

Որդուկը զարմացած նայում էր հորը ու փորձում էր ինքն էլ ուրախանալ:

– Հայրի՛կ, իրո՞ք մենք մրգատու այգում ենք:

– Այո՛, այո որդի՛ս, մենք տեղ ենք հասել: Նայի՛ր, նայի՛ր թե ինչքա՛ն մրգատու ծառեր կան այստեղ: Ահա խնձորենին, – ու ցույց տվեց գլխավերևի վիթխարի ծառը, որ մի ահագին մոլորակի էր նման: Հապա նայի՛ր, այն հեռու հեռվում տանձենին է... Նայի՛ր, իսկ այ այս կողմում սալորի ծառերն են աճում: Մենք դրախտ ենք հասել որդիս, այսօրվանից մեզ համար նոր կյանք է սկսելու:

– Բարով եք եկել, ցեղակիցներ, – նորից ասաց մեծ որդը ու ներողամիտ ժպտաց:

Հայր որդը վերևից վար նայեց ու շարացած ասաց.

– Տո՛, ա՛յ համբալ, մենք քո ի՞նչ ցեղակիցն ենք:

Որդուկը զարմացավ հոր այդ կոպիտ պահվածքի համար, նույնիսկ ուզեց ներողություն խնդրել իր հոր փոխարեն: Բայց հայրը շարունակեց.

– Գնա՛, գնա՛ քո գործին ա՛յ ճիճու, նայի՛ր թե ձկնորսները իրենց հետ քեզ ձկնորսության չտանեն: Գնա գործովդ զբաղվի՛ր, հողը մշակի՛ր, ա՛յ մշակ:

Մեծ որդը շրջվեց ու քթի տակ փնթփնթաց. «Էհ, լրիվ հաբրգել են էս վնասատուները, սրացնից էլ պրծում չկա»: Հապա փնտրեց հողի մակերեսի անցքը, որտեղից դուրս էր եկել ու գնաց իր գործին: Գնաց պարտեզի հողը մշակելու, որպեսզի ծառերը էլ ավելի փարթամ աճեն, որպեսզի ավելի համեղ բերք ու բարիք տան ու... ու որպեսզի վնասատու որդեր խժոճեն այդ ամենը, լափե՛ն, լափե՛ն, լափե՛ն...

Երբ աթարի կույտից իջան, որդուկը համարձակվեց հարցնել հորը.

– Ո՞վ էր այն մեծ որդը, հայրիկ:

Конец ознакомительного фрагмента.

Текст предоставлен ООО «Литрес».

Прочитайте эту книгу целиком, [купив полную легальную версию](#) на Литрес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.